

Missingut

Meeravissiartaarneq pillugu inatsimmut aamma angajoqqaat akisussaanerat pillugu inatsimmut allannguutit arlallit Kalaallit Nunaannut atuutilernissaannik peqqussut

(Meeqqamut pitsaanerusussaq, aappariit inooqatigiit meeravissiartaarnissaannut periarfissiineq,
Ankestyrelsenip maalaartarfionera il. il. meeravissiartaarnermut tunngasuni aamma
toqusoqarnerani angajoqqaatut oqartussaaneq il. il.)

Meeravissiartaarneq pillugu inatsisip inatsisillu allat assiginnngitsut (Akuersinertaqanngitsumik meeravissiartaarneq, aappariittut nalunaarsimasap meeraanik inunngorneraniit meerarsiatut meeravissiartaarneq il. il.) allanngortinnejarnissaat pillugu inatsimmi nr. 494, juunip 12-anni 2009-meersumi § 8, imm. 2,¹ Nakorsamit sularitinnermut, nappaammik suussusersioratsimut aamma ilisimatusarnermut il. il. atasumik ikkussivigitinnkkut kinguaassioritarneq pillugu inatsisip, Meeqqat pillugit inatsit aamma Meeravissiartaarneq pillugu inatsisip (ikkussivigitinnkkut kinguaassioritarneq pillugu inatsisip atuuffiata annertusinera, kinaassutsimik isertuisumik aamma isertuinngitsumik mannissamik aamma anisuumik ikkussivigitilluni kinguaassaqalernermut tunngasumik sularitinnermut atasumik, ikkussivigitilluni kinguaassaqalernermut tunngasumik ataataanermik aalajangersaaneq, aappariittut nalunaarsukkamik aapparisap meeraanik meeravissiartaarneq aamma meeravissiartaarnissaq pillugu suliani il. il. aggertarneq) allanngortinnejarnissaat pillugu inatsimmi nr. 602, juunip 18-ianni 2012-imeersumi § 5, imm. 3,² Meeravissiartaarneq pillugu inatsisip, angajoqqaat akisussaanerat pillugu inatsisip aamma danskisut innuttaaneq pillugu inatsisip (aappariit inooqatigiit meeravissiartaarsinnaanerat il. il.) allanngortinnejarnissaat pillugu inatsimmi nr. 1525, 27. december 2014-imeersumi § 5,³ Angajoqqaat akisussaanerat pillugu

¹Aalajangersagaq imatut oqaasertaligaavoq: "§§ 1 aamma 3 Kunngip peqqussutaatigut Savalimmiunut Kalaallit Nunaannullu tamakkiisumik ilaannakortumilluunnit atuuttussanngortinnejarsinnaapput, allannguutit Savalimmiuni Kalaallit Nunaannilu atugassarititaasunut naapertuuttunngorlugit."

²Aalajangersagaq imatut oqaasertaligaavoq: "§§ 2 aamma 3 Kunngip peqqussutaatigut Kalaallit Nunaannut tamakkiisumik ilaannakortumilluunnit atuuttussanngortinnejarsinnaapput, allannguutit Kalaallit Nunaanni atugassarititaasunut naapertuuttunngorlugit."

³Aalajangersagaq imatut oqaasertaligaavoq: "Inatsit Savalimmiunut aamma Kalaallit Nunaannut atuutinngilaq, taamaattoq Kunngip peqqussutaatigut Savalimmiunut Kalaallit Nunaannullu tamakkiisumik ilaannakortumilluunnit atuuttussanngortinnejarsinnaavoq, allannguutit Savalimmiuni Kalaallit Nunaannilu atugassarititaasunut naapertuuttunngorlugit."

⁴Aalajangersagaq imatut oqaasertaligaavoq: "§ 1 Kunngip peqqussutaatigut Savalimmiunut Kalaallit Nunaannullu tamakkiisumik ilaannakortumilluunnit atuuttussanngortinnejarsinnaavoq, allannguutit Savalimmiuni Kalaallit Nunaannilu atugassarititaasunut naapertuuttunngorlugit."

⁵Aalajangersagaq imatut oqaasertaligaavoq: "Inatsit Savalimmiunut aamma Kalaallit Nunaannut atuutinngilaq, taamaattoq Kunngip peqqussutaatigut Savalimmiunut Kalaallit Nunaannullu tamakkiisumik ilaannakortumilluunnit atuuttussanngortinnejarsinnaavoq, allannguutit Savalimmiuni Kalaallit Nunaannilu atugassarititaasunut naapertuuttunngorlugit."

inatsisip aamma Eqqartuussisarneq pillugu inatsisip (suleqatigiinnermi akornusersuinermut il. il. akuersaannginnej) allanngortinneqarnissaat pillugu inatsimmi nr. 270, marsip 25-anni 2015-imeersumi § 4, imm. 2,⁴ Meeravissiartaarneq pillugu inatsisip (meeravissiartaarnermi il. il. ilusiliineq nutaaq) allanngortinneqarnissaat pillugu inatsit nr. 1740, decembarip 22-anni 2015-meersumi § 3⁵, Inatsisini aalajangersakkanik allannguineq pillugu inatsisip aamma ilaqtariittut inooqatigiinnermi maalaarsinnaatitaaneq piginnaatitaanerlu il. il. pillugit inatsisip (Ankestyrelsen maalaartarfittut atorlugu il. il.) allanngortinneqarnissaat pillugu inatsimmi nr. 1741, decembarip 22-anni 2015-meersumi § 14, imm. 3,⁶ Angajoqqaat akisussaanerat pillugu inatsisip aamma Inooqatiginnermi kiffartuussissutit pillugit inatsisip (Angajoqqaatut oqartussaaneq, angajoqqaatut angajoqqaatataa toqussimappagu, angajoqqaatut oqartussaanermik aappariinnut najugaqtigiittunut nuutsitsineq il. il.) allanngortinneqarnissaat pillugu inatsimmi nr. 133, februaarip 16-iani 2016-imeersumi § 4, imm. 2,⁷ aamma Angajoqqaat akisussaanerat pillugu inatsisip, Katinnikkut aappariilerneq avinnerlu pillugit inatsisillu allat assigiinngitsut (Familieretshuset pillugu inatsisimmi allannguutit aamma Angajoqqaat akisussaanerat pillugu inatsit malillugu suliani meeqqamik illersuinerup sakkortusinera) allanngortinneqarnissaat pillugu inatsimmi nr. 1711, 27. december 2018-imeersumi § 44, imm. 4,⁸ malillugit aalajangersarneqarpoq:

§ 1

Meeravissiartaarneq pillugu inatsimmi, Kalaallit Nunaannut atuutilersinneqartumi, tak. peqqussut nr. 410, apriliip 21-anni 2010-meersoq, makkuninnga allannguisoqassaaq:

1. § 1, imm. 2, imatut allanneqassaaq:

"Imm. 2. Meeqqamik nunanit allameersumit meeravissiartaarnermut akuersissut atuutilissaaq meeqqap pineqartup Kalaallit Nunaannut tikinneraniit. Meeravissiartaarnermut atatillugu piffissami killilikkami misiliineq ilaatinneqarpat, aatsaat meeravissiartaarnermut akuersissut atuutilissaaq misiliinerup naaneraniit. Naalagaaffiup sinniisoqarfia 2. imm.-mi aalajangersagaq sanioqqussinnaavaa, pissutsit immikkut ittut atuuppata."

2. § 2 -mi "iluaqutaasoq" allanngussaaq imatut: "pitsaanerpaaq."

⁶Aalajangersagaq imatut oqaasertaligaavoq: " §§ 1-4, 7, 8 aamma 11 Kunngip peqqussutaatigut Kalaallit Nunaannut tamakkiisumik ilaannakortumilluunnit atuuttussanngortinneqarsinnaapput, allannguutit Kalaallit Nunaanni atugassarititaasunut naapertuuttunngorlugit."

⁷Aalajangersagaq imatut oqaasertaligaavoq: "§ 1 Kunngip peqqussutaatigut Savalimmiunut Kalaallit Nunaannullu tamakkiisumik ilaannakortumilluunnit atuuttussanngortinneqarsinnaavoq, allannguutit Savalimmiuni Kalaallit Nunaannilu atugassarititaasunut naapertuuttunngorlugit."

⁸Aalajangersagaq imatut oqaasertaligaavoq: " §§ 1-4, 6-12, 17-20, 27 aamma 39 Kunngip peqqussutaatigut Kalaallit Nunaannut tamakkiisumik ilaannakortumilluunnit atuuttussanngortinneqarsinnaapput, allannguutit Kalaallit Nunaanni atugassarititaasunut naapertuuttunngorlugit."

- 3.** § 5, imm. 2-mi ikkunneqassaaq "aapparisap"-p kingorna: "imaluunniit aapparalugu inooqatigisap".
- 4.** § 5, imm. 2 aamma § 7, imm. 1, 1. imm.-mi, imm. 2, 1. imm.-milu peerneqassaaq "imaluunniit qitornavissiaa"
- 5.** § 6, imm. 1-imi "katinnikkut aapparisaq" kingorna ikkunneqassaaq: "imaluunniit aappaq inooqatigisaq", aamma "katinnikkut aapparisaq"-p kingorna ikkunneqassaaq: "imaluunniit aappaq inooqatigisaq".
- 6.** § 6, imm. 2-mi "katinnikkut appariit" kingorna ikkunneqassaaq: "imaluunniit inooqatigiillutik appariit".
- 7.** § 7, imm. 1-mi 2. imm.-tut ikkunneqassaaq:
"Taamatuttaaq inooqatitut aappaasup inooqatitut aapparisap allap meeraa meeravissiartaarisinnaavaa."
- 8.** § 7, imm. 2, 1. imm.-imi "katinnikkut aapparisap" kingorna ikkunneqassaaq: "imaluunniit aappap inooqatigisap".
- 9.** § 7, imm. 2, 2. imm.-mi ""atorunnaarsitsineq"-p kingorna ikkunneqassaaq: "imaluunniit inooqatigiilluni appariinneq atorunnaarsimappat,".
- 10.** § 10, imm. 1-mi 2. imm.-tut ikkunneqassaaq:
"Taamaattoq najuunnissamik piumasaqaat, nammieq meerarisamik katinnikkut aapparisap imaluunniit aappap najugaqtigisap meeravissiartaarininissaanut akuersisimasumut, angajoqqaamut atuutinngilaq."
- 11.** § 10, imm. 5 imatut allanneqassaaq:
"Imm. 5. Social- aamma indenrigsministerip imaluunniit social- og indenrigsministerip pisinnaatitaata aalajangersinnaavaa, nunami allami oqartussamut imaluunniit suliffeqarfimmut akuersineq naligiissinneqassasoq danskit oqartussaaffiata imaluunniit suliffeqarfiata akuersisimaneranut, aamma taamaalilluni imm. 1-imiit 3-mut malittarisassat sanioqquunissaannut pisinnaatitsineq."
- 12.** § 11, imm. 1-mi, "iluaqutaasussaq" allangortissaaq imaalillugu: "pitsaanerusussaq".
- 13.** § 18, imm. 2-mi "katinnikkut appariit imaluunniit appariissimasut" allangortinnejassaaq imaalillugu: "katinnikkut appariit, katinnikkut appariissimasut, inooqatigiittut appariit imaluunniit appariissimasut inooqatigiillutik".
- 14.** § 20, imm. 1, 1. imm.-mi aamma imm. 5, 1. imm.-imi, § 25, imm. 4, 1. imm.-imi aamma § 35 imm. 1, 1. imm.-imi "social- aamma indenrigsministeri" allangortinnejassaaq imaalillugu: "Ankestyrelseni".

15. § 21, imm. 2, 2. imm.-mi "social- aamma indenrigsministeri imaluunniit taassuma pisinnaatitaa" allanngortinneqassaaq imaalillugu: "Ankestyrelseni".

16. § 22, imm. 1, "katinnikkut aappariit" kingornagut ikkunneqassaaq "imaluunniit inooqatigiillutik aappariit".

17. § 27imatut allanneqassaaq:

"§ 27. Social- aamma indenrigsministerip peqqussut manna malillugu suliaqarnermut malittarisassat aalajangersarsinnaavai, taakkununnga ilaallutik

- 1) meeravissiartaartussamik akuersineq,
- 2) meeravissiartaarnermi suliat ingerlanneri, tassunga ilagitillugit meeravissiartaarniarluni qinnuteqaatit imarisaat il. il.,
- 3) meeravissiartaarnermi akuersisummik tunniussineq, tak. §§ 8 aamma 10, aamma
- 4) akuersinertaqanngitsumik meeravissiartaarnermik suliassat ingerlannerat, tak. § 11."

18. § 29, imm. 1, 2. imm. aamma 3. imatut allanneqassaaq:

"Siulittaasoq eqqartuussisuunerussaaq imaluunniit eqqartuussiviit qullersaanni eqqartuussisuussaaq. Maalaarutinik suliaqarnermi ilaasortat ikinnerpaamik 5-iussapput, tassunga ilaalluni siulittaasoq imaluunniit ilaasortaq ataaseq inatsisilerituutut angusismasoq."

19. § 29, imm. 2-mi 2. imm.-tut aamma 3.-tut ikkunneqassaaq:

"Ilaasortaq 1 invertitaassaaq ukiunut 8-nut. Taamannattaaq atuuppoq sinniissussamut."

20. § 29, imm. 3-mi "Adoptionsnævnip" kingorna ikkunneqassaaq: "aalajangiinerata kingorna qaammatit 6-t qaangiutsinnagit".

21. § 33, imm. 1-mi "katinnikkut aapparisaq"-p kingorna ikkunneqassaaq: "imaluunniit aappaq inooqatigisaq".

22. § 33, imm. 2-mi aamma § 43, imm. 2-mi "Social- aamma indenrigsministerip" allanngortinneqassaaq imaalillugu: "Ankestyrelsenip".

23. § 35-mi imm. 1-ip kingorna nutaatut ikkunneqassaaq:

"Imm. 2. §§ 11-12 malillugit suliani Naalagaaffiup Sinniisiuta suliamik ingerlatsinera Ankestyrelsenimut naammagittaalliuutigineqarsinnaavoq."

Imm. 2 matuma kingorna imm. 3-nngussaaq.

24. § 35-p kingorna *kapitali* 4-mi ikkunneqassaaq:

"35 a. Peqqussut manna malillugu Ankestyrelsenip sulianik ingerlatsinerani, inatsiseqarnikkut isumannaassuseq aamma isumaginninnermi pisortatigut sulineq pillugu inatsimmi, kapitali 9 aamma §§ 68 aamma 70 atuutissapput."

§ 2

Angajoqqaat akisussaanerat pillugu inatsimmi, peqqussutikkut nr. 680, juunip 6-ianni 2016-imeersukkut Kalaallit Nunaannut atuutilersinneqartumi, makkua allanngortinneqassapput:

1. § 1 atorunnaassaaq, taarsiullugulu ikkunneqassapput:

"§ 1. Pissutsini peqqussummi matumani pineqartuni tamani meeqqamut pitsaanerusussap pingartinneqarnera aamma meeqqap inuunerinnissaa illersugaanissaalu salliuutinneqassapput.

§ 1 a. Meeqqat inuusuttullu 18-it inorlugit ukiullit angajoqqaat oqartussaanerup ataani inissisimapput, imaaassimannngippat meeqqat pineqartut katissimasuusut."

2. § 4-mi 2. imm.-tut ikkunneqassaaq:

"Eqqartuussiviup aamma Naalagaaffiup sinnisuata pingaartissavaat aalajangikkat kingunerissagaat meeqqap inuunerinnissaa aamma meeqqap persuttaanermut allatulluunniit meeqqamut ajoqtaasumik ulorianartumillu pineqarnernut illersugaanissa, tassunga ilagitillugu persuttaanermut isiginnittuusutut illorsorneqarnissaa."

3. § 7-ip kingorna ikkunneqassaaq:

»§ 7 a. Angajoqqaat ataatsimoorlutik meeqqamik meeravissiartaartut ataatsimut angajoqqaatut oqartussaasuupput.

Imm. 2. Angajoqqaaq kisimiittuulluni meeqqamik meeravissiartaartoq, kisimiilluni angajoqqaatut oqartussaasuuvvoq, taamaattoq tak. imm. 3.

Imm. 3. Angajoqqaat ataatsimoorlutik angajoqqaatut oqartussaasuussapput, aappaata apparmi meeraa meeravissiartaarisimappagu, meeravissiartaarneq pillugu inatsimmi Kalaallit Nunaannut atuutilersimasumi § 7, imm. 1 malillugu."

4. § 10-p kingorna ikkunneqassaaq:

"§ 10 a. Angajoqqaatut oqartussaasuusut isumaqatigalugit §§ 9 imaluunniit 10 atuutissanngillat, meeqqap inunngunnginnerani isumaqatigiissutigineqarsimaguni, imaluunniit isumaqatigiissut pituttuisuuppat imaluunniit piffissamut killilimmuit atuuttussiaaguni."

5. § 13, imm. 2, 2. imm.-mi "katissimasutut aappariit" kingorna ikkunneqassaaq: "imaluunniit inooqatigiillutik aappariit", aamma "katissimasutut aappaq"-p kingorna ikkunneqassaaq: "imaluunniit aappaq inooqatigisaq".

6. § 13-mi imm. 3-tut ikkunneqassaaq:

"Imm. 3. Imm. 1 aamma 2 malillugit isumaqatigiissut atuutissanngilaq, meeqqap inunngunnginnerani isumaqatigiissutaasimappat, imaluunniit isumaqatigiissut pituttuisuuppat imaluunniit piffissamut killiligaaguni. Aamma imm. 2 malillugu isumaqatigiissut atuutissanngilaq, meeqqamut oqartussaasumut sulinermi isertitassatut annaasai pillugit akiliuteqartoqarpat."

- 7.** § 14, imm. 2-mi "§ 15" allanngussaaq imaalillugu: "§§ 15 aamma 15 a".
- 8.** § 15 atuukkunnaassaaq, taarsiullugulu ikkunneqarluni:
- "15.** Angajoqqaaq toqusimappat, toqusoqarneranilu angajoqqaat ataatsimut angajoqqaatut oqartussaasuugunik, angajoqqaaq inuusoq kisimi angajoqqaatut oqartussaasuulissaaq, taamaattoq tak. imm. 2 aamma § 15 a, imm. 1.
- Imm. 2.* Angajoqqaaq toqusimappat, toqusoqarneranilu angajoqqaat ataatsimut angajoqqaatut oqartussaasuugunik, toqusoqarneranut tunngatillugu allat angajoqqaatut oqartussaasuunissamik noqqaasinnaapput, meeraq toqusoqarnerani angajoqqaami inuusumi najugaqanngippat. Eqqartuussiviup aalajangersassavaa kina angajoqqaatut oqartussaasuussanersoq.
- Imm. 3.* Angajoqqaaq kisimi angajoqqaatut akisussaasuusoq toqusimappat, angajoqqaaq inuusoq aamma allat angajoqqaatut akisussaasuunissamik noqqaasinnaapput. Angajoqqaatut akisussaasoqarpat, angajoqqaallu tamarmik toqusimappata, allat aamma angajoqqaatut oqartussaasuunissamik noqqaasinnaapput. Eqqartuussiviup aalajangersassavaa kikkut angajoqqaatut oqartussaasunngussanersut.
- Imm. 4.* Sulianut imm. 2-mi aamma 3-mi pineqartunut assinganik § 13, imm. 2, 3. imm. atuutissaaq.
- § 15 a.** Angajoqqaap aappaa angajoqqaap appaanik toqtsisuusimappat, toqusoqarneranilu angajoqqaat angajoqqaatut ataatsimut oqartussaasuullutik, imaluunniit angajoqqaaq inuusoq kisimi angajoqqaatut oqartussaasuuppat, eqqartuussiviup aalajangersassavaa angajoqqaatut oqartussaasuuneq angajoqqaamut inuusumut ingerlaannassanersoq, imaluunniit alla angajoqqaatut oqartussaasuulissanersoq.
- Imm. 2.* Angajoqqaaq angajoqqaqatiminik toqtsisuusimappat, aamma angajoqqaaq toqusoq kisimiilluni angajoqqaatut oqartussaasuusimappat, nalinganik § 15, imm. 3, 1. imm. aamma 2. atuutissapput.
- Imm. 3.* Suliat imm. 1-imut tunngasunut assinganik § 13, imm. 2, 2. imm.-toq atuutissaaq."
- 9.** § 16, imm. 2 atuukkunnaassaaq.
- 10.** § 21-p kingorna qulequttap siornatigut § 22-p siornatigut ikkunneqassaaq:
- "§ 21 a.** Aalajangikkamik imaluunniit isumaqtigiiissutaasumik najortigiittarneq atuukkunnaassaaq angajoqqaat tamanna isumaqtigiiissutigisimappassuk, imaluunniit eqqartuussivik imaluunniit social- aamma indenrigsministeri § 21 imaluunniit § 29, imm. 4 malillugu najortigiittarnerup atuukkunnaarnissaanik aalajangiisimappata."
- 11.** § 29, imm. 2-mi "imm. 1"-ip kingorna ikkunneqassaaq: "najortigiittarneq pillugu suliami".
- 12.** § 29-mi imm. 2-p kingorna nutaaq ikkunneqassaaq:
- Imm. 3.* imm. 1 malillugu angajoqqaatut oqartussaanermik imaluunniit meeqqap najugaqarnissaanik suliami aalajangersaaneq naammassineqassaaq, inaarutaasumik angajoqqaatut oqartussaanermut tunngatillugu imaluunniit meeqqap najugaqarnissaanut

tunngatillugu aalajangiisoqarpat, imaluunniit angajoqqaatut oqartussaaneq imaluunniit meeqqap najugaqarnissaa pillugit isumaqatigiissuteqartoqarpat.”
Imm. 3 matuma kingorna imm. 4-nngorpoq.

13. § 36, *imm. 1*-imi, “akuerineqassaaq” allanngussaaq imaalillugu: “akuerineqarpoq, imaluunniit angajoqqaatut oqartussaaneq § 15, imm. 3, imaluunniit § 15 a, imm. 2 malillugu aalajangersaavagineqarpoq.”, aamma “Naalagaaffiup sinniisuata pissarsiaraa” imatut allanngussaaq “pissarsiaqassaaq”.

14. § 42-*mi* nr. 2-p kingorna normutut nutaatut ikkunneqassaaq:
“3) taarsiissutitut najortigiinneq,”
Nr. 3-6 tamatuma kingorna nr. 4-7-nngussapput.

§ 3

Peqqussut atuutilissaaq 1. april 2021.

§ 4

Imm. 1. Suliat meeravissiartaarnermik inatsisip Kalaallit Nunaannut atuutilersinneqartup, tak. peqqussut nr. 410, apriilip 21-anni 2010-meersoq, malillugu social- aamma indenrigsministerimit suliarineqartut, suliat peqqussutip uuma atuutilernerata kingornatigut Ankestyrelsenimit suliarineqartartussat, suliat peqqussutip matuma atuutilernerani nalaani naammassineqanngitsut, Ankestyrelsenimit suliarineqassapput.

Imm. 2. Suliat aalajangiussat ingerlateqqinnejarnissaanik noqqaassutit, tassunga ilagitillugit allagaatinik takunnissinnaaneq pillugu aalajangiinerit aamma suliat pillugit aalajangiinerit, suliani social- aamma indenrigsministerimit meeravissiartaarneq pillugu inatsit malillugu aalajangikkani, Kalaallit Nunaannut atuutilersinneqartoq, tak. peqqussut nr. 410, apriilip 21-anni 2010-meersoq, aamma peqqussutip matuma atuutilernerata kingorna Ankestyrelsenip aalajangersimasaanik, Ankestyrelsenimut noqqaassutigineqassapput taassumanngalu suliarineqarlutik.

Imm. 3. Imm. 2 assinganik atuuppoq suliat pillugit saaffiginnissutinut allaanerusunut tamanut imm. 2-mi taaneqartunut.

Imm. 4. Meeravissiartaarneq pillugu inatsit, Kalaallit Nunaannut atuutilersinneqartoq, tak. peqqussut nr. 410, apriilip 21-anni 2010-meersoq malillugu suliat pillugit allagaatinik takunnissinnaanermik noqqaassutit social- aamma indenrigsministerimit suliarineqarsimasut pillugit aamma peqqussutip matuma atuutilernerata kingorna Ankestyrelsenimit suliarineqartut pillugit noqqaassutit, Ankestyrelsenimut tunniunneqassapput taassumanngalu suliarineqarlutik.

Imm. 5. Meeravissiartaarneq pillugu inatsimmi § 6, imm. 1, Kalaallit Nunaannut atuutilersinneqartumi, tak. peqqussut nr. 410, apriilip 21-anni 2010-meersoq, peqqussummi uani allannortinneqartoq § 1, nr. 5-ikkut, atutissangilaq meeravissiartaarnissamik qinnuteqartumut najugaqatigiittut aappaqartumut peqqussutip atuutilinnginnerani tunniussisimasumut peqqussutip

atuutilernissaa sioqqullugu suliaralugu naammassisimanngippat. Qinnuteqaatinut taama ittunut malittarisaq meeravissiartaarneq pillugu inatsimmi § 6, imm. 1 maannamut atuuppoq, Kalaallit Nunaannut atuutilersinnejartoq, tak. peqqussut nr. 410, apriilip 21-anni 2010-meersoq.

Imm. 6. Meeravissiartaarneq pillugu inatsimmi § 29, imm. 3, tak. peqqussut nr. 410, apriilip 21-anni 2010-meersoq, uani peqqussummi § 1, nr. 20-ikkut allanngortinneqartoq, peqqussutip atuutilerneranit Naalagaaffiup sinnisuata aalajangigaanut taamaallaat atuuppoq.

Imm. 7. § 2, nr. 11 aamma 12 atuutinngillat najortigiitarneq pillugu aalajangiussaagallartunut peqqussutip atuutilinnginnerani aalajangersarneqarsimasunut. Aalajangiinernut taamaattunut atuuppoq angajoqqaat akisussaanerat pillugu inatsimmi § 29, imm. 2, peqqussutikkut Kalaallit Nunaannut atuutilersinnejartoq nr. 680, juunip 6.-ani 2016-imi.

Imm. 8. Taarsiissutitut najortigiinnerit pillugit aalajangersakkat § 42, nr. 3 malillugu aalajangersarneqartut, angajoqqaatut oqartussaaneq pillugu inatsimmi Kalaallit Nunaannut § 2, nr. 14-itut atuutilersoq aamma attuupput aalajangersakkanut aamma najortigiinnissamut isumaqtigiiissutinut, peqqussutip atuutilinnginnerani aalajangersarneqarsimasunut. Taarsiissutitut najortigiinnerit 1. imm.-mut ilagitinneqartut, pinngitsaaliilluni naammaassineqarsinnaapput Kalaallit Nunaanni eqqartuussiveqarneq pillugu inatsimmi kapitali 47 malillugu.